

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 9.

10ad jakkegærdde.

»Nuorttanaste« maksa ovta kruvna jakkoda-
gast, bladde dinggujuvu juokke poasta-
rappe lutte.

15ad Mai 1908.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Rokkadusa birra.

(Cæc okta engelas olmai, gæn namma læ
R. A. Torrey.)
(Lasse oudeb nummari.)

6. Dat guðad ašše, manditi mi berrep hæitekætta rokkadallat, læ, atte rokkadus læ dat Ibmelest asatuvvum gaskaoabme oažžom diti armo ja gavdnam diti vaibmoladesvuoda.

Ebrealas 4ad kapitalest ja 16ad værsast čuožžo navt: »Loaidastekop mi damditi dervolašvuodain arbmotruono ouddi, vai mi ožušeimek vaibmoladesvuoda ja gavnašeimek armo rievtes-aiggasaš vœkken!« Daina sanin oaidnep mi čielggaset, atte Ibmel læ čajetam migjidi gæino, man mielde ni galggap vagjolet oažžom diti vaibmoladesvuoda ja gavdnam diti armo. Dat gæidno læ rokkadus; rokkis, dervolaš ja duodalaš ouddanloaidastæbme arbmotruono ouddi, dam basse baikkai Ibmel lakkaorroma ouddi, gost min arkalmaste bajemušpappa, Jesus Kristus, ælla loaidastam diti min ouddi.

Mi darbašep vaibmoladesvuoda ja armo, jos min ællem i galga loapat ja vasset likkotesvuodain, ja rokkadus læ gæidno buok likkoi. Bodnetes arbmo læ bigjum min ouddi, ja rokkadus læ dat gæidno, man mielde mi juksap dovddamušaidi. Vuoi dadde, jos mi arvvedifimek, maggar armo dievasvuoda mi matašæimek aldsesæmek oažžot rokkadusa čađa, maggar gukkodak, allodak ja čignudak læ garves migjidi almostuvvat, de læm mou visses dam ala, atte mi æmbo aige anašæimek rokkadussi. Min armo dovddamušak læk alelassi daðemielde go min rokkadusak læk.

Lægo oktage min lokkin, gutte i dovda darbašvuoda stuoreb arbmoi?

Jos læ, de rokkadala aldsesad dam darbašvuoda ja rokkadala maidai aldsesad stuoreb armol Læge bisovaš ja vaibakættes rokkadusast. Ibmel liko daggariði, gudek alo gærjedek; dastgo daggo bokte ouddanbigjek si sin jakosek su riggesvuoda ja buorrevuoda ala, ja i læk i mikkege, masa Ibmel nuft burist liko go jakkoi. »Min hæbotesvuoda diti likka son bajas ja adda sudnji nuft ollo go son darbaša.« (Luk. 11, 8). Ænaš oasse mist dovdedek dušše uccanaš arbmoravnjid, vaiko læ galle ollo arbmo gærgos almostuvvat, atte vel armodænokge bagjel ravdaige mannek.

7. Mi berrep maidai rokkadallat damditi go rokkadus Jesus nammi læ dat gæidno, maid Jesus Kristus ješ læ čajetam su mattajegjidasas dainen gæidnon, man alde si galggek ollet ilo dievasvutti.

Dam ouddandoalla son ovtagærdasažat ja čabbat Joh. evang. 16, 24, gost son cælkka navt: »Dam ragjai di epet læk rokkadallam maidege mu nammi; rokkadallet, ja de di oažžobet, vai din illo šadda ollesen, vai din illo šaddaši ollesen!« Gi læ dat, gutte i halid, atte su illo šaddaši ollesen? Gæidno dam arbmoi læ rokkadus Jesus nammi. Mi buokak dovddap daggarið, gæi illo manga have orro læme dego olles, gæk gonagas Davedin sattek cælkket: »Mu jukkamlitte govdda bagjel.« Illo baitta sin čalmin, dat govdda sin baksami bagjel — ja orro dego goaikkomen sin suormain go si buorastattek. Daggar olbmuk læk dabalazažat Kristusa njalga hagja mailmest sikke sin særvest, gæk dubmijuvvujek ja sin særvest, gæk bestujuvvujek. Mutto dak olbmuk adnek ædnag aige rokkadussi, ja daina lagin oažžuk si buristsivdnadusa.

Mutto moft matta dat læt, atte rokkadus Jesus nammi bukta nuft ollo ilo? Vuostačedin damditi go mi oažžop, maid mi rokkadallap; mutto i dat læk dušše dat, mutto læ maidai nuft, atte rokkadus Jesus nammi bukta min Ibmela buorebut dovddat. Son šadda dalle duottavuodast min Ibmel — min rakis ačče. Son læ ješ aido dast, gost mi sudnji rokkadallap, ja adda migjidi su buristsivdnadusas.

I læk stuoreb illo alмест ige ædnam alde go særvvevuotta Ibmelin, ja rokkadus Jesus nammi doalvvo min su særvvevutti. Salbmačalle David i sardnom dušše boatte aige birra, mutto maidai dalaš aige birra, go son čalli: »Ilo ollesvuotta læ du muodoi oudast, havskodagak du olgiš gieða bældede agalažat.« Vuoi maggar likko mi navdašep daina čalbmeravkkalam boddoin, go mi rokkadusast soattap ječaidæmek erit buok ærast Ibmela buristsivdneduvvum lakkavuoda sisa.

Mutto daidda muttom cælkket: »Mon im læk goassege dovddam daggar ilo rokkadusa siste.« Mon dasto ferttim dust jærrat: Luoitakgo don ječad ollaset Ibmel halldoi, go don rokkadalak? Valdakgo don obbanassige dile rokkadallat? Loaidastakgo don ollaset sisa Ibmela muodoi ouddi?

8. Rokkadus læ buok dam ællema atestusai ja gæččalusai vuolde dat Ibmelest mæreduvvum gaskaoabme, man bokte friavuotta buok atestusast ja bakčesest juksujuvvu, ja man bokte maidai dat rafhe, mi bagjel jierme manna, oažžujuvvu. Paulus čalla Filipensalažaidi naft:

»Allet læge morrašest mange diti; mutto buok aši dafhost ouddanbuktujuvusek din adnomak Ibmel ouddi čuorvvoma ja rokkadusa siste gitalusaiguim. Ja rafhe, mi buok jierme

bagjel manna, galgga varjalet din vaimoid ja jurddagid Jesus Kristus siste« (Filip. 4, 6—7). — Daidda soames aiggot cælkket: »De dat de fertte duottavuodast læt okta likkolaš ællem; mutto dat i mate ellujuvvut dabalaš jamolaš olbmui.« Juo, dat matta galle ellujuvvut. Dat væssa muittala migjidi, man lakai dat cellem matta ožžujuvvut buok Ibmela manain: »Allet læge morrašest mange diti,« — ja de jøtkujuvvu; »mutto buok aši dafhost diktet din adnomidadek ouddanbuktujuvvut Ibmel ouddi čuorvvoma ja rokkadusa siste gitalusain.« Mi matta læt æmbo ovtagærddan ja čielgas arvvedet go dat? — Gæččal adnet hæitekættes særvevuoda Ibmelin. Ja go dasto mikkege morraš daihe vaddevuoda du ala bukta, de sarno Ibmelin dam birra, mutto ale vajaldatte ouddanguoddemest du gitalusad su ouddi dam oudast, maid don juo læk vuostaivalddam. Ja mi læ dat, mi dasto čuovvo: »Ibmel rafhe, mi buok jierne bagjel manna, galgga varjalet du vaimo ja du jurddagid Kristus Jesus siste.«

Maidnujuvvum lekus Ibmel! Ædnagak læk, gæk dam læk dovddam. Igo don dovda ovtage, gutte alelassi læ duttavaš? Daidda soames vela su luondostes læk goaves ja hoppoi; mutto likkotesvuodak, bakčasak ja atestusak ožžuk galle oktičogganet su ala — ja almaken varjala Ibmel rafhe su vaimo ja jurddagid Kristus Jesus siste. — Vissaset dovddap mi buokak daggar olbmuid; mutto maid dakkek si? Si rokkadallek. Dat læ buok. Dak, gæk dovdek armo čiegnalvuoda ja dam rafhe, mi jierne bagjel manna, læk alelassi olbmak ja nissonak, gæk ollo rokkadallek.

(Lasetuvvu.)

Okta gavkas buocamsægga

(Muttom pappa muittali.)

Im vajaldatte mon goassege muttom buocce, gæn mon oappaladdim. Dat læi dat gavkkasæmus buocamsægga, man lutte mon læm fidnam. Viesso læi ucce ja vuollegaš ja læi huksijuvvum boaitobællai gavpuga. Glaseraigidi legje liggok coggujuvvum. Obba dat viste juokke dafhost čajeti hægjon. Mon dittim, atte dat olmai, gæn mon galggim oappaladdat, læi jukke, ja atte son dal farga galgai

jabmet. Mon dittim maidai, atte son ouddal læi suittam buoreb vistid ja ædnamid, ja atte son maidai læi læmaš jaktaskippar, ja atte son daina manemuš jagin læi joavddam stuoremus vaivašvutti ja varnotesvutti jukkama gæččeld. Akka oini mu boattenmen ja bođi mu oudald elggon juo. Son i jakkam, atte læi vaive væra sissa mannat, dat dušše suttada su boadnja, arvvali son. Mutto mon mannim almaken sisa. Vieso siste læi buok hægjovuotta ja duodašti dam stuoremus varnotesvuoda birra. Mon mannim dam hæjos buocamsægga lusa ja buorastattim.

»Aahaa, diebe læ maidai pappage,« celki dat buocce, »galgga dal vissa rakkanattet mu jabnem vuostai, gal mon dal dam arvvedam, vai maid? Nubai. Gukkas læ dokko, ja gæidno læ lossad. Igo læk dust dat čappis vuolppo bagjelist ja dat vilgges rieggis čæbat birra? Dat berresi læt dust, vai maid don arvvalak jes?«

»Manne læk don nuft suttas?« jerrali pappa.

»Suttas — længo, mon suttas? Alma dal dat læ suddo læt suttas papa ala, gutte sardneda nuft čabbat — nu, dastgo mon læm gullam du, dam oažok jakket. Mon muitam ovtage, don sardnedik dam birra, atte mi galggap væketet dai hæjoid — igo læk nuft, ja dam læk don diedostge dakkam gal don erinoamačet læk mu væketam. Mutto Kain vastedi: »Længo mon mu vielljam gæččee,« igo dat čuožo nuft čallujuvvum. Mutto dat i soaba diettalas dudnji — olmai.«

»Hæite dal erit nuft sardnomest. ja algo moai sarnodet du sielo dile birra,« bæσαι pappa jienetet.

»Mu birra, na mon gal diedam, atte mon galgam jabmet, ja mon diedam, atte mon jamam jukke jabmeta ja agalaš gađotussi manam. Mon diedam dam, gulakgo. Dat ašše læ aibas čielgas. Ja dal jæram mon dust ovtage dinga: Oskokgo bibal ala?«

»Oskom galle,« vastedi pappa.

»Manne dalle don ja dak ærak æi daga dam, maid dat goččeo?«

»Æpgo mi daga bibal goččoma mielde?«

»Di galle sardnedeket rakisvuoda ja vaibmolađesvuoda birra, ja sardnedeket maidai jugišvuoda birra ja dam agalaš givse birra. Mutto di vissa epet jake, atte læ nuftgo di sard-

nedeket; dastgo jos di dam jakašæidek, de alma dalle di lifčidek dakkam juoda gagjom varas daggar varnotemid go mon læmaš ja læm, vai maid?«

»I oktage mate cælkket, atte mon im læk ouddanbigjam Ibmel saine buttaset,« celki pappa.

»Læk galle ouddalgaskabæive girkost sodnabeivid. Mon muitam don okti sardnedik gad rokkus birra — gæččalusa birra. Don sardnedik, atte læi stuora suddo æraid gæččalet — — mutto manne di epet valde erit gæččalusaid, go di jakkebetet, atte læ nuftgo di sardnedeket. Di diettebetet ja dovddabetet (sikke don ja dak æra »rakis kristalažak«) dam, mi læ læmaš mu gæččalus; mutto maid lepet di dakkam mu dast erit bæstet?«

»Muite don olmai dam, atte olbmust læ ævtodatto, ja atte don ik lifčei darbašam šaddat jakken,« celki pappa.

»Daggar sagak æi læk makkege, pappa. Jos ævtodatto, man birra don sarnok, læ galle, manne dalle darbašak don varrit gæččalusa vuostai? I læk nuft. Gal mon muittalam, moft muina manai. Mu aččam ja ædnam juo oapataiga mu jukkat — nuft dagaiga soai. Manne go mon bottim mu særveguimdam særvvai, dakke dakke samna lakai. Ja go mon loppadattujuvvujim duoina moččatin, mi duobe de čokke, de i læm son æmbo rakislaš ja arvok mielast goassege godalle, go mon legjim garrimoaivest, dalle læi son buok ilolemus. Mu hæjoin læi valljogusat sikke vuolla ja buollevidne. Sikke pappa, lukkar ja dak æra »rakis kristalažak« legjedobbe; dastgo dalle legjim mon okta javalaš olmai. Must læi dalle stuora baikke ja čabba garddem, ja mon suittim vel skipage. Si jukke muina buokak — muttomak æmbo ja muttomak ucce, buokak fal jukke. Ja manne go jagek vasse, de læk buokak ovtaradalažat fillim mu jukkat. Mon borjastim Troandemi, Bergeni ja Kristianiai, ja alelassi, gosa mon bottim, læi vuola ja buollevidne dego vuorddemu. Igo læk duotta? Ja æigo læm dak nuftgoččujuvvum kristalažak, gæk dam fidno doaimategje — gæk mu ja æraid jugategje. Dal vellan mon dast dego okta jabmi jukke, varnotæbne ja vaivaš. Buokak, gæiguim mon okti bottim, læk dego gilvotallam

mu daggaren rakadet, go mon dal læm šaddam. Si oapategje mu jukkat, si adde mudnji, apasmatte mu jukkat ja jukke mu særvest. Dam dakke buokak, nuft gukka go læi must mikkege, maina mon ostim. Gi læi, gutte gæččali mu ožudet erit buolle-
vinest? Gi valdi gæččalusaid must erit, vaiko ditte, atte mon legjim cieggam jugišvuttij? Mon im muite im ovtage. Mutto sardnedet si galle matte — sardnedet dam birra, maid si ječa æi aiggom dakkat. Vuoi dadde, maggar læpadlaš fastes guoktelasvuotta; mutto bibala duottavuodaid fallokkek ječasek jakket. Mutto »du vieljad varra — —,« moft dat čuožžo. »Du vieljad varra čuorvvo« — igo læt nuft. Olbmuk læk sorbmim mu iccalassi. Sorbmim mu læk si. Vuolge dal sidasad pappa. Mon im viša du oaidnet; muite, atte »du vieljad varra čuorvvo.« Dat boatta garrodusain. Dast jabma okta hæjos, varnotes jukke vaivašvuodast ja hædest; okta, gæn dak »rakis kristalažak« oidne duššamen bæivest bæivvai; mutto æi bigjam guokta muora ruosast gaggom diti. Mutto »du vieljad varra čuorvvo,« læge visses dain ala pappa, ja dal sidam mon rafhe.

Mon fertijim vuolgget. I læm goassege mu vaibmo læmaš nuft losad sidi manadedinam go dam have læi. Im læm goassege ouddal daggar buocamsænga lutte læmaš.

Dam olbma vaiddalus kristalaš særvvegoddi vuostai læi galle garas ja stuores, mutto dađe bahabut mælgad muddoi duotta. Vuoi dadde, moft mon jurddagistam savvim, atte dat i lifi duotta. Maggar vælgge mist dadde læ! Maggar hirbmos oudastvastadus! Mon legjim dam olbma lutte manga have su mañemuš davda vuolde. Mutto miela nubbastussi son i boattam, nuft gukkaš go olmuš mati oaidnet. Mu muitoi bođi, mi čuožžo čallujuvvum profet Esekiel girjest 33, 6: »Son eritvalddujuvvui su bagjelduolbmames diti; mutto mon aigom gaibedet su varaid gočetægje giedast.«

Nuft čuožoi čallujuvvum dam pappa rokke bæivvegirjest.

Dušše okta jugastak.

Okta stuora engelas skipa bođi muttom tuiska hamani ja ankoruša dasa min ruovda gurri. Dat bođi gukke matkest, ja dam skipast læi dat

gandda, gæn birra mon dast aigom vebaš muittalet, son læi nuorra, čuv-
gismuđod ja gievrra. Son læi okta dainaš buok arjalæmus mærraolbmain.

Son læi muttom ammatolbma aidno bardne, ja jurda læi algost, atte son galgai studerit; mutto go læi gandast daggar vuostaičuožokættes hallo mæra ala, de suvve vanhemak su gæččalet ječas harjetaddat mærrasotte-officeran (marineofficeran.) Mutto ouddalgo son soatteskuvlai bæσαι, ferti son vuost borjastet dam lagast mæreduvvum aige koffardist. Go son olgus bođi, joavdai son hirbmos ibmelmættom skippari særvvai, gæk dolvvo dam burist jakolaš ja uccan nannijuvvum ganda čagjadusa gæino ala. — Okta ækked dansasalast Kardiff gavpugest čalmetutti su, ja ædne gandda algi stuibmedet ja jukkat.

Daina gukkes igjagocem-vuoroin, go son okto važi dæka alde vaktan daihe čuožoi ja stivri, manai galle jurda sida guvloi, ače ja dain njuoras ædne guvloi; daggar boddoi siste son galle divrraset loppedi buoradusa dakkat ja brævaid čallet dallanaga go son hamani bæssa. Mutto go son læi hamani bæssam, de legje buok bnorek aiggomušak vajaldattujuvvum, ja dat sæmma boares ællem bisti. Dam lakai golai jakke jage mañest. Son jođi hamanest hamani dai moaddelagaš našonaiguim ja vilda ællem siste vase-
ti son bæivides.

Mutto dal aigoi son dam skipa luopat ja sidi vuolgget. Dat hallo cak-
kani sudnji garraset, go son gulai, atte su ače læi jabmam, ja su ædne læi boares ja buocas.

Duolle dalle dam 15 jagest læi bæggem su birra ollam su sida ragjai, ja grannak arvvaleggje, atte moraš læi dat, mi ače ila arrad havddai doalvoi, ja oroi čajetæme, atte sæmma sivast ædnege dam scemma gæino manna. Mutto ædne i hæittam doaivvomest ja vuorddemest. »Gal mu gandda vel boatta sidi ja must bivdda buok andagassi,« lavi son ješječaines humadet. Sust læi nuft hallo andagassi addet ja vajaldattet buok, go son fal boadaši, ouddalgo ila mañned šadda.

Dat bæivve bođi, go gandda galgai sidi vuolgget; mutto go damp-
paa i galggam vuolgget ouddalgo kl. 3 mañ-
nel gaskabæive, manai son ovtta mokke vel gaddai, ja dobbe gavnai son ovtta su boares skipparines, gæn son i

læm oaidnam manga jakkai. Go soai muttom aige læiga sarnodam, manaiga soai muttom vidnevuoddem raiggai.

Dobbe aigoiga soai valddet dušše ovtta jugastaga. Mutto dat okta jugastak buvti ænebuid mañestes, ja gaskabæive aige bođi son damppi hui garremin.

Su skipparak, guđek maidai galge sidi vuolgget, valdde maidai su dingaid damppi oktan ječasek galvain, adreserijegje daid mærradusbaikkai ja oste bilætaid. Moadde dimo oadđem mañnel læi gandda fast čuožžomen ustebides særvest gaddest cækkem diti sigjidi farvela. De bođi dat sæmma ouddalgaskabæive oapes gandda su lusa.

»Gula, boares verdel! Boađe moai vulgge jugistet ovtta ærroskoala ouddalgo don jottak,« čurvvu son.

Gandda sluvgi oaive ja jorgeti erit. »I dal dat daga maidege,« celki nubbe, »dušše ovtta jugastaga moai valdde boares ustebvuoda diti. Moai viekkædne dušše duom nurke birra, gal moai dam gergge burist dakkat ouddalgo damp-
paa vuolggæ.«

Okta varrijægje jiedna dobbe su siste celki: Ik galga dam dakkat, mutto jurdašet galgak du boares ædnad ala, gutte sidast vuordda — su ædnes ala, gæn ala son nuft ædnag morraš læi buktam; mutto gutte al-
ma-ken læi garves su vuostaivalddet raki-
stægje vaimoin ja vajaldattet buok, — su ædne, gutte læi vajaldattujuvvum jage jage mañest — dušše ovtta jugastaga diti, galgai son maidai dam have vajaldattujuvvut?

Mutto gæččælægje i hæittam su fillemest, ja dat fillem šaddai sudnji ila famolaš. I han dat læm nuft varalaš, go son dal riekta jurdaši. Dat læi dušše okta jugastak, ja moadde minuta gæččest læi son fast dampa alde.

Son čuorvoi su ustebides mielde, ja ouddalgo son javkai nurke duokkai čurvvu son daidi æraidi: »Mon boadam hui farga fast, — dušše ovtta ærroskoala valdam mon ovtast Harry verdin!«

Si vurdde su koartela — si vurdde su dibmo bæle, mutto son i boat-
tam. Damp-
paa gærggagodi, dat ringi ovtta, guovte, golma gærde; buokak, gæk mielde aigguk, viekalek damp-
ppi, šaldde valddujuvvu damp-
ppi, buok troa-
sok ja baddek suppijuv-
vujek luovos, ja dak famolaš mašinak alggek bossot

ja šlabmat, ja damppa sigagoatta olgus hamanest abe vuostai, — mutto ædne gandda i læk mielde.

Dak su skipparin, gæk læk bæcam, juokkasek gavpuga birra occam diti su; mutto ækked boatta; mutto son i læk vel gavdnum. Okta bæivve nubbe bæive mañest manna, si occek, mutto æi gavna ganda. Mañæçassi heittek si occamest.

Njoellja vakko dastmañnel boatta okta livcagam, ruoidna gandda vaze kaja mielde vuolas. Son manna muttom skipi. Dak šliedda çalmek, fiskodam, ruoidna muoðok, ja dat suibodægje vazzem muittala ovta issoras ællem birra dai vakkoi siste. Nubbe bæive bæasai son matrosan muttom skipa ala, mi galgai 2 jage turi vuolget.

*

Dal læp mi sidast muttom vuodnagavpugest Norgast. Guokta mærraganda vazzeba bajas muttom gæðgebalgga mielde, ja go soai olleba balgga gæççai, çuožastæba soai ovta çaba viste ouddi, mi læ belotakki çikkujuvvum daina lastajes muorain, mak stobo birastattek. Soai fuobmaba maidai dam guokta, gæk læiga erit bajedæme yavno alde ovta lossa mærraolbma bomba ja ovta sæka. Nubbe sodnost manai vissoi ja boði fast dallanaga olgus, su mañest çuovoi okta ravasman nisson çæppis biktasi siste. Si sardnuk moadde sane, ja bomba ja sækka guddujuvvu sisa. Dak guokta olbma oazoiga mavso ja vulgiga gavpug guvlloi. Nisson çuožoi gukka ja gæçai dam guovto mañest ouddalگو vulgi sisa.

Dak guokta ganda çuožçoba jaska ovta boddoça. Imašlaš dovdok likkadek sodno vaimost. Gadnjalak alggek sodno çalmin golggat. »Dam vistest assa dat boares ædne, gæn gandda vajaldatti ovta jugastaga diti,« bakkodi nubbe gandain. Alma sanege jiednadkætta vazzaiga soai sodno sidasçesga.

*

Su barnes bomba vuostai læ ædne mannam çibbi ala, su giettagavak vuoiñadek bomba-lokke alde, ja muoðok læk çikkujuvvum su giedai sisa. I gullu mikkege çierromid, dušše oidnu su obba rumaš doargestæme. Jaskadvuotta vuoiñada dalo bagjel, dušše dat boares aiggasaš væggaklokka eoakka tik-tak, tik-tak! Vel dat coakkeinge orro vaivven šaddamen, orro mašotuttemen. I galgaši dal læt mikkege, mi mousetutta dam moraštægje

ædne, gutte okto dal soatta ovta lossa soaðe rokkadusa siste su lappum barnes oudast.

Don, jallas, jiermetes klokka! Ikgo don mate oaidnet, ikgo don mate arvvedet dam vaibmocuvkkijægje morraša, maid nissona jeças manna læ buktam su ala.

Iðedest bæivaça vuostas suodnjarak guovllalek dai vilggis glaselini çaða ja suonjardattek dam vuoras nissona, gutte ain læ vællamen su barnes bomba vuostai. Dak laððaset su liegadek ja dego girjotek su vilggis vuovtaid. Buok læ dal jaskadvuotta — vel dat boares klokkage læ orostam; dastgo dat i šaddam bajasges-sujuvvut rivtes aigest.

Mañnel gaskabæive fuobmajegje grannak, atte i oidnum dat boares nisson likkadæme šat su viesostes. Dabalažat lavvi son likkat arrad bajas juokke iðded. Mi son dal læ, daidda akko læt buocamen? Si botte ja algge goalkotet uvsa ala, mutto i boattam vastadus; si gæççalegje rappat uvsa, mutto dat læi lassijuvvum. Daidda son læt jottam soames baikkai? Mutto dat i læk vejolaš; dastgo son i lavvim goassege jottet. Si algge dal šaddat rafhetesvutti. Juoga fertte læt dapa-tuvvam. Politia vižžujuvvui, ja lassa olggouvsast dogjujuvui, ja si manne vuost manga lanja çaða, mutto æi gavdnam maidège. Vimag botte si ako barne ladnji ja dobbe dam lanjast gavdne si ako çibbi alde ovta mærraolbma bomba vuostai. Okta stuollo læ bigjum dasa balddi, ja dam stuolo alde læ ovta nuorra vigites gandaça govva.

Politia manna su lakka ja sardno sudnji; mutto i boaðe vastadus. Son giedas varrogasat bigja su oalge ala; mutto i likast akko. Si fuobmajek dam hirbmos duottavuoda, atte son læ jabmam.

Igja su lossa soðines læi ila stuores — nu stuores, atte dat cuvki su vaimo.

Don nuorra gandda, cuvkiško don du ædnad vaimo?



Moraš vainoin diedetam mon buok fulkidi ja oappasidi, atte mu rakis açe, Mikkell Johansen, læ su çalmides dappam dam mañemuš nakkari. Dam 7id mars guði son dam çoaska ja suddost devddujuvvum mailme dai

saniguin: »O Hærra Jesus, saddešik dal farga gusid almest viežžat mu sielo lusad albmai.« Ja go son oini su æmedes çierromen, celki son: »Allet æmbo çiero, alletge vaived mu beljid; must læ juo aldama vaivve galle; dastgo mon læm dal mannamen jabmem sevdnjis læge çaða ællem sisa.« Ja go su boarraseb bardne boði oiggou sisa, de celki son sudnji: »Dal mu barnaçam, boaðe ja valde isedvuoda bagjelasad, ja gæça, maid dal aigok dakkat — man favllai dal aigok luottet dam skipa, man ala læk bæsam, dastgo ollo çalmek geççek du ala. Mon manam albmai, ja dokko boattebetet dige. Farga nokkek buok dam mailme morrašak. Farga bæsam duolmadet dam nana muddar vuostai, gost nokkek buok vaivek ja vaddok. Farga bæsam amen ja halleluja lavlodet hærvasvuoda ilo sidast.«

Nuft sarnoi dat agalašvuoda vuostai rakkanægje olmai mañemuš have daidi baccidi, gæk su sænga birra çužço

Dal læ son bæssam hærvasæbbo dillai açe dalloi, gost i vaived æmbo dam mailme moraš ja bavças. Dal læ son kruvneduvvum daina kruonoin, maid açe læ sudnji rakadam, ja dai hægjabiktasi sisa læ son dal garvotuvvum, maid Kristus Golgata ruosa alde læ sudnji gillamušaines ja jabmemines fidnim.

Mi baccep dam mailbmai su mañnai oanekaš aige daina doavoin, atte mi okti, go minge soattebæivek læk vassam, gavnadep suina hærvasvuodast — audogasiaš læ dat doavivo.

Gitos, gudne ja ramadus gulla aive dudnji Hærra Jesusæmek, amen! Çallujuvvum Lævdnjajogast

11. mai 1908

N. Mikkelsen.

Dak engelas nissonak sittek stemmimvuogadvuoda.

Londonest, Engelanda oaivvegavpugest aigguk 250,000 nissona dam 21. juni gavpuga çaða mannat 7 doakkest, ja 20 sardnestuolost aigguk si saga doallat ja dasto mañnel bajedek si dego soatteçuorvvas, mi galgga gullut obba dam miljon gavpug bagjel. Dat çuorvas galgga dorgidattet Londona obba su vuoddodusaides alde. Læk gal dobbe nissonak, gæk dittek, maid si sittek.

»Nuorttanaste« çalle, prentejægje ja olgusadde læ G. F. Lund Sigerfjord, Vesteraalen.